

18.18. 17 mai 1619.

no. 5

LETTRES

DE MESSIEVRS

LES CHANCELIER,

Garde des Seaux, & Pre-
sident Jeannin:

ESCRITES A LA
Royne mere.



A PARIS,

Par PIERRE FROMENT.

M. DC. XIX.

Avec privilege du Roy.

23

1812. 12. 15

LETTERS

DE MESSIEURS


LES CHANCELIERS

DES UNIVERSITÉS

ET DES ACADEMIES

ROYALES

DE FRANCE



A PARIS

CHEZ LA LIBRAIRIE

N. D. C. XIX.

ANCIENNE DE LA



RÉPONSE DE MON-
sieur le Chancelier à la lettre de
la Royne mere.



MADAME,

Vous entendrez par la réponse du Roy ses desirs & bones intentiós sur ce que vous luy auez escrit, & sur tout ce qui est des occasions qui se presentét. Vous cognoistrez, Madame, par vostre prudence & bon iugemét qu'en contribuant de vostre part, ce que vous pouuez & deuez par toute raison, la paix publique sera cōseruée, & vous receurez de tous les bons sujets du Roy, le respect & l'obeyssance qui est deuë à vostre dignité: C'est chose qui est attenduë de vos bonnes & sainctes inclinatiós, qui ne pourroiet

souffrir de voir les maux & les calamitez que vous pouuez empescher. Ceux qui ont l'honneur de cognoistre vostre bonté & bon naturel esperent que vous ferez paroistre à tout le monde, par les effects, le desir que vous auez tousiours eu de seruir à la gloire de DIEU, & à la paix publique, & par mesme moyen de maintenir l'autorité du Roy, qui sçaura bien yser & profiter pour le bien public, des bons aduis & salutaires conseils de vostre Majesté. C'est la priere que ie fais à DIEU de tout mon cœur, qu'il luy plaise vous continuer ses graces, & vous donner

M A D A M E,

En parfaicte santé tres-heureuse & tres-longue vie.

Vostre tres-humble & tres obeyssant seruiteur

B R V L A R T.

De Paris, le 18. Mars 1619.



RESPONSE DE MON-
sieur le Garde des Seaux à la
Royne Mere.

M A D A M E,
 Au nom de Dieu que vo-
 stre Majesté ne s'imagine point qu'il
 y ait personne pres du Roy de son
 Conseil, ou autre, qui veuille ny qui
 puisse le destourner du respect ny
 de l'amitié que naturellement il vous
 porte, & que iustement il vous doit.
 Il est vray que mesme vostre Majesté
 doit croire qu'il n'y a aucun qui luy
 puisse oster le sentiment de ce qui
 touche la diminution de son autho-
 rité, seureté de sa personne, & de son
 Estat: Sur ces deux fondemens tres-
 certains & tres fermes, employez,

A iij

Madame, vostre genereuse bonté & singuliere prudence, pour preuenir les calamitez que vous preuoyez & apprehendez de voir venir à la suite de ce mouuement qui commence, & auquel personne ne peut tât perdre, ne si peu gaigner que vostre Majesté. Arrestez-en dóc le cours à sa source; Vous seule, Madame, le pouuez & par vn seul moyen. Remettez-vous franchement entre les bras du Roy vostre fils; Vous voyez les assurances qu'il vous donne, & de son amitié, & de vostre contentement. La parole d'un si grand Roy, si solennellement donnée, assureroit ses ennemis de quelque nation & condition qu'ils fussent. Que doit-elle donc faire à l'endroit d'une si genereuse Princesse: d'une si bonne mere, & qui a si tendremēt esleué la ieunesse d'un Prince si bien nay? La presence de vostre Majesté, vn seul regard mater-

nelacheuera tout ce que vous pouuez desirer dauantage, & pour vostre contentement, & pour celuy de ceux que vous pouuez affectionner; Et si vostre Majesté a des ouuertes pour le bien & grandeur du Roy & del'Estat, elle pourra là esperer d'en tirer quelque fruit. Hors cela, Madame, tout le reste ne produira que ruyne & desolation. Vostre Majesté est trop pleine de prudence, pour se persuader que le Roy, qui sçait que son nom est en veneration iusques aux extremités de la terre, pour auoir en vn momēt esteint le feu qui embrazoit son Royaume: Et apres auoir donné la paix à l'Italie, & maintenāt la procurer en l'Allemagne, auoir estably la Iustice en son Estat, & iceluy purgé de beaucoup de vices & de crimes qui y regnoient, puisse escouter maintenāt le blasme qu'on voudroit donner à son administration, d'autre façon,

qu'une voix iniurieuse qui luy voudroit rair vne si eminente gloire. Or de cela Madame, quiconque soit qui le voulust entreprendre, qui est plus obligé de l'en defendre que vous, qui estes sa bonne mere? Et ne faut point penser, Madame, qu'on luy peult rendre ce coup moins sensible, pour l'en frapper au trauers de quelques-vns qui sont prez sa personne. Car outre que vous luy auez inspiré en sa naissance trop de courage, & trop de iugement, il a assez experimété coniointement avec vous, que tous ceux par le passé qui ont eu visée d'attaquer les Princes, & réuerfer leur Estat, ont fait semblant de mirer ceux qui les approchoient. Pardonnez-moy, Madame, ie vous en supplie tres-humblement, si ayant, comme i'ay, quasi l'ame sur les leures, ie fais ceste response à vostre Majesté avec peut-estre trop de liberté, cherchant plu-

tost

toſt de ſatisfaire à ma conſcience, cõ-
me vous m'y inuitez , & à la fidele af-
fection que i'ay au bien , à l'honneur,
& au ſolide contentement de voſtre
Royale Maieſté, qu'à aucune autre
conſideration. Priant Dieu de tout
mon cœur , que ie puiſſe eſtre plus
heureux en ceſte occaſion à vous per-
ſuader ce qui eſt de voſtre bien & de
toute la France , que ie n'ay eſté cy-
deuant; bien que ie feuiſſe comme ie
ſeray à iamais,

MADAME,

*Vostre tres-humble, tres-fidele &
tres-obeyſſant ſerviteur*

G. DV VALR.

De Paris, le 18.

Mars 1619.

B



RESPONSE DE MON-
sieur le President Jeannin, à la lettre
que la Roynemere luy a
escrite.

M A D A M E,

Ce m'est vn extreme regret de vous voir esloignée du Roy, & en vn estat qui me faict assez cognoistre & iuger quen'estes en liberté, pour sentir & dire ce que vostre conscience & bon naturel vous doit faire desirer & procurer pour la cōseruation del'authorité du Roy, quin'a besoin de nostre conseil, pour rechercher avec soin & affection le moyen de vous reconcilier avec luy, y estant si bien disposé de soy-mesme, qu'il prie D I E U tous les iours, & nous

exhorte aussi de conspirer avec luy
 en ce sainct & loüable desir. Ce que
 ie vous peux asseurer, Madame, estre
 très-veritable, pource que sa mae-
 sté me faict l'honneur de m'apel-
 ler au conseil de ses principales &
 plus importantes affaires, mesme en
 celles qui vous concernent. Aydez
 d'oc s'il vous plaist, Madame, ie vous
 supplie tres-humblement, à ce bon
 œuure, & à faire cesser les mouuemēs
 qui semblent estre preparez sous vo-
 stre nom, lesquels au lieu de profiter
 au public & apporter quelque refor-
 mation & soulagement, ne seruiron-
 que de pretexte pour fauoriser les
 mauuaises intétions de ceux qui pé-
 sent s'accroistre dans les ruynes de
 l'Estat. Considérez que vous y auez
 tres-grand interest, & que l'honneur
 & respect qui est rendu au Roy est la
 vraye cause qui met en l'ame de tous
 les bōs subjects le desir de recognoi-

stre, honorer, & seruir sa mere, & si
 le premier deuoir est obscurcy & mis
 à mespris, qu'il ne vous restera rien
 que le regret d'auoir creu les meschâs
 & malheureux conseils de ceux qui
 vous ont ietté en ce precipice. I'ay eu
 autres-fois l'honneur en receuant les
 commandemens de vostre Majesté,
 deluy laisser quelque bone opinion
 de mon integrité. Croyez Madame,
 que ie ne suis pas chagé, & que plus ie
 vieillis, Dieu me fait la grace d'acroi-
 stre en moy ceste affection & desir de
 bien faire, & que ie n'estimerois pas
 aussi seruir bien & fidelemét le Roy,
 si ie ne desirois par mesme moyé vo-
 stre contentemét, les deux ensemble
 estés si conjoincts, qu'ils ne peuent
 estre separez sans produire de tres-
 mauuais & dangereux effects, dont la
 cause vous sera tousiours attribuée,
 s'il ne vous plaist prédre, avec DIEU,
 vostre conscience & bon naturel, le

conseil qu'une bonne & sage mere
 doit prendre pour la conservation de
 l'autorité de son fils & le bien & re-
 pos de ses sujets. Je m'ose promettre
 par la cognoissance que j'ay de vostre
 vertu, qu'estant esclaircie des nuages
 & mauvais artifices dont on a usé ius-
 ques à present pour vous surprendre
 & decevoir, vous prendrez ceste
 sainte & bonne resolution qui vous
 fera honorer & recognoistre ce que
 vous estes, par tous les gens de bien, &
 m'obligera aussi à demeurer perpe-
 tuellement,

M A D A M E,

*Vostre tres-humble & tres-
 obeyssant serviteur*

P. I E A N N I N.

De Paris, le 17.

Mars 1619.

EDWARD

